

TUNIS



Trajanje putovanja: 8 dana/7 noći

Minimalan broj putnika: 15

HAMMAMET - QAYREWAN - TOZEUR - TATAQUINE - SUSSE - DJERBA - EL JEM



01. dan 01.10.2021. Travnik (Sarajevo) - Beograd - Tunis - Hammamet

Polazak autobusom sa dogovorenog mjesta u Travniku/Sarajevu u ranim jutarnjim satima. Dolazak na beogradski aerodrom „Nikola Tesla“, aerodromske formalnosti. Let od Beograda do Tunisa TU 227(cca 2 sata). Po slijetanju u Tunis aerodromske formalnosti. Panoramsko razgledanje tuniskog glavnog grada: Kartagina, danas rezidencijalno predgrađe a u antičko doba moćne pomorske republike koja je sa Rimom vodila Punske ratove. Šetnja slikovitim uličicama Sidi Bu Saïda, plavo-bijelog gradića na uzvisini iznad mora, mjesta koje vole umjetnici i zaljubljeni. Pauza u Aveniji Habib Bourguiba, srcu 2,5 milionske metropole.. Vožnja do Hammameta. Smještaj u hotel. Večera. Noćenje.

02. dan 02.10.2021. Hammamet - Qayrewan - Tozeur

Doručak. Napuštanje hotela i ukrcavanje u džipove. Vožnja do Qayrevana. Qayrewan je prva arapska prijestolnica Tunisa i grad koji ima posebnu duhovnu vrijednost za muslimane Sjeverne Afrike (cijene ga kao četvrti sveti grad u islamu). Posjeta srednjovjekovnoj medini koja se nalazi na UNESCO-ovoj listi Svjetske kulturne baštine. U sklopu Medine je i Oqba džamija, najstarija i jedna od najvećih u Africi, koja je poslužila kao model za gradnju svih kasnijih džamija u ovom dijelu svijeta. Qayrewan je čuven i po lijepim tepisima i ćilimima koji se ovdje izrađuju. Nastavak putovanja prema jugu. Obilazak planinskih oaza Mides, Tameghza i Chebika, zelenih tačaka u kamenom bespuću Saharskog Atlasa. Dolazak u Tozeur, smještaj u hotel. Večera. Noćenje.

03. dan 03.10.2021. Tozeur

Tozer je najveća oaza na jugu Tunisa u kojoj raste preko pola miliona stabala palmi na kojima uspijevaju hurme/datule. Grad ima 35 hiljada stanovnika i nalazi se na obodu Chot el Jerida, najvećeg i najljepšeg slanog jezera Sjeverne Afrike. Od davnina centar trgovine ali i zanatstva i nauke, grad se odlikuje jedinstvenom arhitekturom. Doručak. Polazak u puštinju džipovima, vožnja trasom kojom su najbolji svjetski vozači relija jurili na „Pariz – Dakaru“, spuštanje u depresiju Chot el Gharsa (17 metara ispod nivoa mora), posjeta lokalitetima na kojima su snimani „Ratovi zvijezda“ i „Engleski pacijent“, vožnja po velikim pješčanim dinama, kroz „Kristalnu puštinju“ do oaze Nefta gdje ćemo vidjeti „La Corbeille“ (Košaricu), prirodnu vrtaču sa kaptiranim termalnim izvorom u dnu. Slobodno poslijepodne. Mogućnost fakultativnog izleta: Oaza Tozera, zoološki vrt i Park „Chak Wak“ Ukrcavanje u kočije i ulazak dublje u oazu. Upoznavanje sa načinom uzgoja hurmi/datula. Zatim odlazimo do zoološkog vrta u kojem su predstavljene vrste koje nastanjuju puštinjske krajeve Tunisa. Za kraj prošetati ćemo kroz zabavni park „Chak Wak“ gdje su u raskošnom zelenilu oaze prikazane i evolucioniistička i kreacionistička teorija o nastanku svijeta sa likovima prikazanim u prirodnoj veličini. Večera. Noćenje.

04. dan 04.10.2021. Tozeur - Douz - Ksar Ghilane - Tataouine

Doručak. Polazak iz Tozeura i vožnja preko Chot el Jerida, najvećeg i najspektakularnijeg slanog jezera u Africi. Dolazak u Duz, oazu koju zovu „Vratima Sahare“ jer južno od Duza počinje beskrajno, neprekinuto carstvo pješčanih dina najveće svjetske puštinje. U Duzu postoji mogućnost fakultativnog jahanja deva: na leđima „puštinjskih lađa“ možemo se otisnuti dublje u more pijeska. Takođe se može kvadovima uuploviti u puštinju ili, ako vremenske prilike dozvole, letjeti deltaplanom iznad puštinje i oaze. Nastavak vožnje do oaze Ksar Ghilane. Usamljena puštinjska oaza okružena dinama crvenog pijeska nudi mogućnost kupanja u termalnom jezercetu koje u srcu oaze izbija direktno iz pijeska. Nastavak vožnje do Tataouina. Smještaj u hotel. Večera. Noćenje.

TUNIS



Trajanje putovanja: 8 dana/7 noći
Minimalan broj putnika: 15

HAMMAMET - QAYREVAN - TOZEUR - TATAQUINE - SUSSE - DJERBA - EL JEM



05. dan 05.10.2021. Tataouine – Chenini – Djerba

Doručak. Polazak prema Cheniniju, berberskom selu sa kućicama ukopanim u obronke brda i zelenom oazom. Chenini je iskonska slika berberskog načina života i nepravedno zapostavljen od turista ali time zanimljiviji i autentičniji. Nastavak vožnje do Djerbe, najvećeg tuniskog ostrva preko nasipa izgrađenog još u vrijeme vladavine Rimskog carstva na ovim prostorima.. Naseljeno milenijumima, sa prekrasnim pješčanim plažama i opuštenom atmosferom, Djerba je rijedak primjer u današnjem svijetu da masovni turizam nije donio i potpuno urušavanje tradicije i modela života prisutnog na ostrvu stoljećima. Posjeta Houmt Souku, najvećem naselju na Djerbi. Smještaj u hotel. Slobodno vrijeme. Večera. Noćenje.

06. dan 06.10.2021. Djerba – Gebes – El Jem – Sousse

Doručak. Vožnja do Gebesa, najveće morske oaze u svijetu. Obilazak pijace Jara, vatrometa boja i mirisa, sa proizvodima koji se dobijaju pletenjem palminih listova i kanom, drevnim prepaatom za bojenje i njegu kose. Nastavak vožnje do El Jema. Ulazak u rimski amfiteatar iz III stoljeća, impresivan spomenik rimske moći i prisustva u Sjevernoj Africi, spomenik na UNESCO Lišti svjetske kulturne baštine. Po dolasku u Sousse smještaj u hotel. Večera. Noćenje.

07. dan 07.10.2021. Sousse

Doručak. Slobodan dan u Sousseu. Treći grad po broju stanovnika u Tunisu star je preko 3000 godina. Njegova medina, srednjevjekovno gradsko jezgro a i danas centar trgovine i zanatstva, nalazi se na UNESCO Lišti svjetske kulturne baštine. Turistička zona Port el Kantaoui je, sa druge strane , moderan turistički centar sa svim sadržajima koji se traže: marina, golf igralište, zabavni parkovi, restorani i kafići... Večera. Noćenje.

08. dan 08.10.2021. Sousse-Tunis-Beograd-Sarajevo/Travnik

Rani jutarnji transfer na aerodrom u Tunisu. Formalnosti i ukrcavanje na let TU 226 za Beograd. Po slijetanju u Beograd aerodromske formalnosti. Vožnja do Sarajeva/Travnika uz usputne pauze po potrebi.

U cijenu aranžmana uključeno:

- povratna avionska karta sa aerodromskim taksama na letu Beograd – Tunis - Beograd
- smještaj u hotelima u Tunisu 3*/4* na bazi sedam polupansiona (doručak + večera)
- transferi po Tunisu : autobusom i od drugog do šestog dana putovanja džipovima
- povratni transfer Travnik/Sarajevo - Beograd
- turistička taksa u hotelima u Tunisu
- stručni vodič tokom putovanja;
- obilasci i ulaznice na lokalitete po programu putovanja.
- PZO

Aranžman ne uključuje:

- faultativne izlete - napojnice za vozače, vodiče kamila i sl. koje nisu obavezne ali se očekuju u slučaju da ste zadovoljni uslugom